



Ilaqtariinnermut ataatsimiititaliaq

Inatsisartut Ilaqtariinnermut Ataatsimiititaliaa allakkatigut 9. oktober 2009-mi ullulernerqarsimasutigut UKA 2009/98-imi siunnersuutip suliarineqarnissaanut apeqqutinut arlariinnut akissuteqaqqusivoq.

Tamatumunnga Isumaginninnermut Naalakkersuisoqarfik makkuninnga oqaaseqassaaq.

Apeqquut 1.

Puigorneq imaluunniit maleruagassanik ilisimasaqannginneq pissutaarpiarlutik ilaqtariit arlalissuit meeqqanut tapiissutisarisinnaasaminnik pissarsinngitsoortarnerannik ilisimasat aallaavigalugit meeqqanut tapiissutinik ingerlaannartumik tunniussisalernissaq siunnersuutigineqarpoq. Maleruagassat allanngortinniarnannut tunngavilersuummut issuarneqartumut taamaassorininneq, misilittakkat imaluunniit ilisimasat tunngaviuppat?

Akissut:

Meeqqanut tapiissutinik pisartagaqareersut, qinnuteqaqqinngikkaluarlutik pisartagaqaannarsinnaanissaannik Naalakkersuisut peqquneqarnissaannik Inatsisartut aalajangiiffigisassaattut siunnersuummit siunnersuut aallaaveqarpoq. (UPA06/68). Tamatumunnga tunngaviuvoq Inatsisartut Ilaqtariinnermut Ataatsimiititaliaata Isumaginninnermi Naammagittaalliuteqartarfimmi suliart Naammaagittaalliuteqartarfimmut suliakkersuutaasut pillugit upernaakkut 2006-mi ataatsimeeqateqarneq.

”Pineqarput meeqqanut tapiissutinik pisinnaallutik qinnuteqarfissamik qaangiisoorsimasut imaluunniit isumaqalersoorsimasut ataasiarlutik pisimagunik taava pissarsisinnaatitaalertarlutik. Taamaattumik qinnuteqaqqinnissartik puigortarlugu. Taamatut pisartut kinguneranik Isumaginninnermi Naammagittaalliuteqartarfik suliassaanut annertuunik piffissaajaatalertarlutik.

Ulloq/Dato:
19.10.2009
J.nr.

Postboks 260
3900 Nuuk
Oq/tel +299
34 50 00
Fax +299 32
45 47
in@gh.gl
www.nanoq.gl

Tamanna tunngavigalugu inatsisissatut siunnersuut Naalakkersuisut saqqummiukkusussimavaat.

Apeqquut 2

Maleruagassanik ilisimasaqannginnerup kingunerisaanik ilaqutariit meeqqalluunniit ukiumut qassit manna tikillugu meeqqanut tapiissutinik annaasaqarsimanersut pillugit erseqqinnerusumik paasissutissiisoqarsinnaava, paasissutissarlu taanna aallaavigalugu pisortat ukiumut katillugu qanoq sipaaruteqartarnersut missingerneqarsinnaava?

Akissut:

Ilaqutariit qanoq amerlatigisut meeqqanut tapiissutinik annaasaqarsimasut naatsorsorneqarnikuunngillat. Tamatuma kinguneranik ilaqutariit qanoq amerlatigisut pisortanit tapiiffigineqarsinnaagaluarlutik annaasaqarsimasut naatsorsorneqarsinnaanngillat.

Ilaqutariit pisortanit tapiissummik tassannga tapiiffigineqarsimasut kisimik naatsorsorneqarnikuupput. Ilaqutariit tapiissutinik pisartagaqarsinnaagaluartik pisartagaqarsimanngitsut pissutigalugit pisortat sipaarutigisimasaat naatsorsussallugit ajornarpoq. Taamaattumik ukiut siuliini ukiumut aningaasaliiffiusuni katillugit sipaarutigineqarsimasut takuneqarsinnaanngillat.

Naalakkersuisut ataatsimiititaliamut ilanngullugu ilisimatitsissutigissavaat, "pisartagaqarsimanngitsunut" misissueqqissaarnissamut misissuititsinissamullunniit siunissami aningaasaliissuteqalersaannginnamik.

Apeqquut 3

Apeqquut 2 nangillugu siunnersuutip aningaasaqarnikkut kingunerisai Ilaqutariinnermut Ataatsimiititaliamit apeqqutigineqassapput. Siunnersuutip aningaasatigut kingunerisassaanik 2,5 aamma 5,0 mio. kr.-it akornanni atuinerussuteqarnissaq Naalakkersuisut qanorpiaq paasivaat?

Akissut:

Aallaqqaasiutigalugu Naalakkersuisut apeqqutip aappaannut akissutit innersuussutigissavaat, tassani meeqqanut tapiissutinik pisartagaqarsimanngitsunut paasissutissat amigaatigineqarnerat nassuiaatigineqarpoq.

Taamaattumik Naalakkersuisut ataatsimiititaliaq ilisimatittariaqarpaat, 2,5 - 5,0 mio. kr.-inik atuinerussutissat taaneqartut annertussusilernikuusut missingersuinerinnakkut.

Apeqquutit 4, 5 aamma 6

Meeqqanut tapiissutinik pisartagaqarnissamut danskisut innuttaassuseqarnissaq piumasaqaataasoq siunnersuummi ingerlatiinnarneqarpoq. Meeqqat Kalaallit Nunaanni najugaqartut danskisut innuttaassuseqanngitsut isertitat apeqqutaatillugit meeqqanut tapiissutinik pisariaqartitsisinnaanngitsutut Naalakkersuisunit isigineqarpat? Meeqqanut tapiissutinik tunniussinnermi innuttaassuseqarnissamik piumasaqataatip atorunnaarsinneqarnissaata isumaliutiginiissaanut apeqqut 4 tunngavissaqalersitsiva? Meeraq meeqqanulluunniit tapiissutinik ukiumi kingullermi Kalaallit Nunaanni najugaqarsimassasoq §1, imm.1, nr. 3-mi piumasaqaatinut ilaavoq. Siunnersuutip aalajangersagartaani tassani sunarpiaq pineqarpa? Nassuiaatit apeqqummik itisiliinngillat.

Akissut:

Meeqqanut tapiissutinik tunineqarnissamut piumasaqaataavoq, meeqqap meeqqanulluunniit tapiissutinik tunineqarsinnaassup danskit naalagaaffiani innuttaassuseqarnissaq imaluunniit ukiuni kingullerni Kalaallit Nunaanni najugaqarsimanissaa.

Meeqqap tapiissutinilluunniit tunineqarsinnaasup danskit naalagaaffiani innuttaassuseqarnissamut piumasaqaat eqqortinngikkaluarpagu, nunallu tamalaat isumaqatigiissutaanni ilaanngikkaluaruni, tassunga ilanngullugu Nunat Avannarliit Isumaqatigiissutaannut, taamaattoq sulii meeraq tapiissutinilluunniit tunineqarsinnaasoq ukiuni kingullerni Kalaallit Nunaanni najugaqarsimanissaa piumasaqaataavoq. Taamaalilluni ikiorsiissutinik tunineqarsinnaanermut piumasaqaat nunani allani innuttaaffeqartunut, Nunat Avannarliit Isumaqatigiissutaannut ilaanngitsunut imaluunniit nunat tamalaat isumaqatigiissutaannut ilaanngitsunut atuuppoq.

Ukiunik ataatsimik najugaqarsimanissamut piumasaqaammut tunngavigitinneqarpoq, naalagaaffimmi sorlermi innuttaassuseqarnermut attuumassuteqanngitsaq, isumaginninnermi ikiorsiissutinik tunineqarsinnaassagaanni attuumassuteqartariaqarnermut piumasaqaat. Nunani inatsisiliortuusunut ikiorsiissutinik qinnuteqartoq qinnuteqartullu nunami sumiinnera imminnut ataqatigiinnissaat piumasarissallugu ajornanngilaq.

Apeqqut 7:

Manna tikillugu peruserineqartoq naapertorlugu siunnersuummi § 6, imm. 4 malillugu kommunalbestyrelsi aalajangiisnaavoq meeqqanut tapiissutit tamakkiisumik ilaannakortumilluunniit nioqqutissanik pisussutissanngorlugit tunniunneqartassasut imaluunniit aqunneqassasut.

Aalajangersakkap taaneqartup atuutsinneqarnerani kommunit manna tikillugu periuuserisaat Naalakkersuisut nassuiaateqarfigisinnaavaat?

Akissut:

Naalakkersuisoqarfik ukiumoortumik nakkutilliiartorluni tikeraarnermini kommunit isumaginninnermi tunngasunik aqutsinerat pillugu paasissutissanik assigiinngitsunik pissarsiniartarpoq.

Kingorna nakkutilliiartorluni tikeraarnermit angusat ilaatigut Naalakkersuisoqarfiup nakkutilliinermut suleqatigiissitaanit nalilersorneqartarput.

Tassunga atatillugu Naalakkersuisoqarfiup paasivaa, kommunalbestyrelsip meeqqanut tapiissutinik aqutsisinaanera imaluunniit nioqqutissanik pisissutissanngortitsilluni tunniussisinaanera qaqutiguinnaq atorneqartartoq.

Tassa aalajangersagaq qaqutikkut atorneqartarpoq, kisianni atatiinnarneqarluni kommunimut ilaqutariinnut aningaasanik aqutsiniarnermikkut ajornartorsiuteqartunut meeqqanullu tapiissutinik meeqqamut iluaqutaanngitsumik atuisunut qanoq iliuuseqarnissaq pisariaqalersinnaammat.

Apeqqut 8.

Apeqqutip 6-ip akissuteqarfigineqarnera nangillugu Naalakkersuisut isumaqarpat aalajangersakkamut atatillugu kommunit periuuserisaat aalajangersakkakkut periarfissiissutigisanut siunniunneqartunullu kiisalu meeqqat soqutigisaannut naapertuuttoq?

Akissut:

Apeqqut 7 nangillugu Naalakkersuisut uppersarsarsinnaavaat, aalajangersagaq qaqutikkuinnaq pisariaqavikkaangallu atorneqartartoq.

Meeqqanut tapiissutitigut siunertaavoq, meeqqap iluaqusernissaa, kisianni meeqqamut iluaqutaangitsoortarput tapiissutinik aqutsinerliortoqartillugu.

Isumaginninnikkut ikiorsiissutinik atuneq aqunneqaqqissaarsinnaanngilaq innuttaasorlu (tapiissutinik tunineqartartut) tatigineqartilluni akisussaaffimmillu tigummisaqartilluni kiffaanngissutsimik atonerluiuarsinnaammat.

Illuatungaatigut meeqqanut tapiissutitigut anguniagaavoq, meeqqamut nuannaarutaallutillu iluaqutaanissaat qulakkiissallugu, taamaattumik § 6 imm. 4 atorneqarsinnaavoq meeqqamut iluaqutaasumik, qanoq iliuusissat allat tamarmik misilinneqareersimagaangata.

Apeqquut 9

Siunnersuummi § 6, imm. 4-mi aalajangersakkap kommuninit atorneqarnerata aqunneqarneratalu nakkutigineqarnissaa Naalackersuisut siunissami qanoq ingerlatilersaarpaat?

Akissut:

Kommunit § 6, imm. 4-mik atuinerannut atatillugu Naalackersuisut nakkutilliisussaataanerup qanoq ingerlatsinnerannik apeqquumi ersarippoq, Naalackersuisut kommuninik nakkutilliisussaataanerannut ilaatigut ilaasoq ingerlaavartumik suleqatigiinneq ilaatigullu aaqqissugaasumik nakkutilliineq ingerlanneqassasoq Isumaginnittoqarfiup aqunneqarnera aaqqissuunneqarneralu pillugit Inatsisartut peqqussutaanni § 1 tunngavigalugu ilaatigut ingerlanneqassasoq "Naalackersuisut Kalaallit Nunaanni isumaginnittoqarfiup allaffissornikkut aqunneqarnera siulersorlugulu aaqqissuutissavaat, isumaginninnermilu malittarisassanik **kommunit ingerlatsinerat** nakkutigisaralugu" kiisalu isumaginninnermut tunngasunik nakkutilliineq pillugu nalunaarut nr. 6, 16 februar 2006-imeersoq malillugit. Suliassaqarfimmik nalinginnaasumik nakkutilliinnermut Naalackersuisut pisussaaffianut ilaavoq kommunini nakkutilliartorluni tikeraarnermi suliat aalajangersimasut suliallu aalajangersimasut pillugit saaffiginnissutinut tunngatillugu misissussalluni.

Nakkutilliineq aamma ingerlanneqartarpoq nammineq kommuninik nakkutilliinnermut ilitsersuusiat atorlugit. Kissaateqartoqarpat, nakkutilliartorluni tikeraarnermut atatillugu naalackersuisoqarfik inatsimmik atuuttumik sullissisunik atuartitsinissaa aamma pisinnaavoq.

Naalackersuisoqarfimmit paasineqarpat, kommuni isumaginninnermi malittarisassat malillugit naammaginartumik ingerlatsinnginneranik tunngavissalimmik pasitsaassaartoqartoq, naalackersuisoqarfiup kommuni pineqartoq nassuiaateqarnissaanik piunaffigisinnaavaa. Naalackersuisoqarfik isumaqarpoq, taamatut saaffiginnittoqareerneratigut kommunit amerlanerit naammaginartumik nassuiaateqartartut, taamaalillunilu suliaq naammassineqartarluni. Kommunip nassuiaataa naammaginangippat naalackersuisoqarfiup kommunimut nakkutilliartorluni tikeraarnermi suliaq qaqilersinnaavaa.

Nakkutilliartorluni tikeraarnerit tamarmik nalunaarusiornikkut inaarneqartarput, soorlu isumaginninnermi tunngasunik nakkutilliineq pillugu nalunaarut nr. 6, 16. februar 2006-imeersumi § 5, imm. 1-imi nakkutilliinnermi tamani suliarineqartartussaasoq. Nakkutilliinnermi nalunaarusiaq kommunimut pineqartumut, Kommunit Nakkutilliisoqarfianut kiisalu Inatsisartut Ilaqutariinnermut Ataatsimiititaliaanut ilisimatitsissutitut nassiunneqartarpoq.

Sumiginnaanerit aalajangersimasut pillugit Naalackersuisoqarfimmit kommuni uparuarneqarsinnaavoq, kisianni kommunimut aalajangersimasumik iliuuseqaqqusinissamut inatsisitigut tunngavissaqanngilaq. Kommuni iliuuserisimasaminik nassuiaateqarusunngippat inatsisilluunniit tunngavigalugit naalackersuisoqarfiulluunniit peqqussutigisaanik

iluarsartuusserusunngippat, Kommunit Nakkutilliisoqarfianut saaffiginnittoqarsinnaavoq, tamatuma kinguneranik ataatsimik arlalinnilluunniit kommuni inatsisit tunngavigalugit aqutsinissaanik pinngitsaaliniarlugu kinguneqartitsiniarsinnaavoq, tassunga aamma ilanngullugu meeqqanut tapiissutit pillugit inatsimmi § 6, imm. 4 malillugu.

Apeqput 10.

Siunnersuummi § 6, imm. 1-imi aalajangersagaq, meeqqanut tapiissutit qaammammut siumoortumik tunniunneqarsinnaaneraniq periarfissiisoq, meeqqanut tapiissutit maannatut qaammatit pingasukkaartumik allatulluunniit tunniunneqartarnissaannik tapiissutisartut kommunillu isumaqatigiissuteqarsinnaanerannik periarfissiiva?

Akissut:

Naalackersuisoqarfiup akornutissaqartinngilaa, meeqqanut tapiissutit maannakkutut qaammatit pingasukkaarlugit tunniunneqartassagaluarpata. Inatsisissatut siunnersuummi matumani Naalackersuisut kissaatigaat aaqqissuussisoqassasoq, meeqqanut tapiissutit qaammatikkaartumik tunniunneqarsinnaalersillugit, taamaalilluni meeqqat pisariaqartitaat ingerlaavartumik matussuserneqarsinnaaniassammata. Peqatigisaanik meeqqanut tapiissutit annertuumik qaffanneqarput.

Illuatungaatigut tamassuma nassatarissavaa meeqqat pisariaqartitaat matussuserniartillugit aningaasartuuteqarnerunermut, akissaq naammanngippat, katersisoqartariaqarpoq. Ilaqutariit taamatut aningaasanik aqutsilluarsinnaaneraniq Naalackersuisut qularutiginngilaat, isumaqarlutillu qaammatit pingasukkaarlugit tunniussisarnermit iluaqutissartaqarnerusoq - tassami aalaakkaasumik meeraq ikorfartorneqarneq ajormat.

Taamaakkaluartoq Inatsisartut meeqqanut tapiissutit qaammatit pingasukkaarlugit tunniunneqartarneraniq ingerlaannarerusussappassuk, tamatumani Naalackersuisut akornutissaqartinngilaat.

Apeqput 11

Meeqqanut tapiissutit eqqortumik atornerarneraniq aammalu kontomi pingaarnermi 30.10.32-imi atuineq eqqarsaatigalugu siunnersuutikkut siunertarineqartoq qaqugu qanorlu Naalackersuisut naliiffigilersaarpaat?

Akissut:

Apeqput 9 nangillugu maluginiarneqassaaq naalackersuisoqarfik nakkutillineq pillugu suleqatigiissitamik pilersitsisimammat, naalackersuisoqarfiup nakkutilliinermik suliaqarneraniq ingerlaavartumik nalilersuisartussamik, tamatuminnga pitsaanerulersitsinissaq siunertarlugu, tassunga ilaatigut ilanngullugu nakkutilliinermi

najoqqutassanik missingiuserneq kiisalu meeqqanut tapiissutinik tunniussisarnerup malinnaavigeqqinneqarnera.

Naalackersuisoqarfik meeqqanut tapiissutit pillugit inatsimmut paasissutissanik quppersakkanik KANUKOKA-mut kommunerujussuarnullu sisamaasunut nassiussinialersaarpoq. Naalackersuisoqarfiup nakkutilliinermi suliassaanut ilaavoq, nakkutilliartortartoqatigiit inatsisissatut siunnersuutip siunertaanik kommunit atortuulersitsinissaannik qulakkeerinninnissaq. Tamanna ilaatigut pisinnaavoq nakkutilliinermut suleqatigiissitap apeqqutinik aalajangersimasunik immersuiffissaliorneratigut kingorna meeqqanut tapiissutinik tunniussisarneq pillugu naalackersuisoqarfimmit nalilersuiffigineqartussanik.

Ilanngullugu Kommunit Kukkunersuisarfiannit kommunit naatsorsuutaat kukkunersiorneqarlutillu akuerineqartarput, naalackersuisoqarfiup nassiussai tunngavigalugit.

Apeqqutit 12 aamma 13

12) Siunnersuutip siullermeerneqarnerani paasineqarpoq nassuiaatit kalaallisoortaa arlalitsigut kukkuneqartoq, paasiuminaatsunik imaqartoq, assigiissaagaanngitsoq ersernerluttorlu, tamanna ataatsimiititaliap soorunami akuerisinnaanngilaa. Nassuiaatini kalaallisut oqaatsit atorneqartut pitsaassusaannik qulakkeerinissaq iluarsissuteqarnissarlu eqqarsaatigalugit Naalackersuisut qanoq iliuseqalersaarpat?

13) Oqaatsit atorneqartut pingaartumillu inatsisiliornermi kalaallit oqaasiisa atorneqartut pitsaassusissaannik siunissami qulakkeerinissaq qanoq Naalackersuisunit qulakkiilersaarpaat, taamaaliornikkut atuisunut sullissisunullu inatsisit assigiissooqqullugit ersarissooqqullugillu?

Akissutit:

Inatsisissatut siunnersuut kukkunersiorneqarlunilu pitsaassusia qulakkeerniarneqareerpoq.

Naalackersuisoqarfiup ilungersuutigalugu sulissutigaa, oqaatsit inatsisiliornermi atorneqartut pitsaassusaat qaffassarneqassasoq tamatumunngalu nukippassuit atorneqarput.

Taamaattumik Naalackersuisoqarfiup oqaatsit pitsaassusaat pillugit Ataatsimiititaliap oqaaseqaatai qujassutigaa inatsisissatullu siunnersuutip aappassaaneerneqannginnerani oqaasertaasa iluarsineqarnissaat sulissutigissallugu.

Siunissami pitsaanerusumik pitsaassutsimik qulakkeerinnittarnermik Naalackersuisoqarfik nassaassarsiusaaq.

Apeqquut 14.

Siunnersuummi nassuiaatini arlaleriarluni oqaatigineqarpoq meeraq katissimassanngitsoq, tamatumani sunarpiaq pineqarpa meeqqanullu tapiissutinik tunniussisarnermut atatillugu qanoq sunniuteqarpa?

Akissut:

Meeqqat ukiukinnerusut katinneranni meeqqanut tapiissutit angajoqqaat isertitaannit tunngaveqartut meeqqamut tunniunneqartarunnaassapput. Katinnermi pilersuisussaataaeranut taarsiullugu aapparit pilersueqatigiittussaanerat pillugu inatsimmi § 2 tunngavigalugu aqutsisoqalissaaq. Pilersuisussaataqatigiinnerup taamaalilluni meeqqanut tapiissutit taarserpaat.

Apeqquutit 15 aamma 16

Meeqqanut tapiissutinik ingerlaannartumik tunniussisalernissap siunertaq naapertorlugu allaffissornikkut ingerlalernissaa Naalackersuisut qanoq qulakkeerniarpaat?

Ingerlaannartumik tunniussisarneq ajornartorsiutitaqalissagaluarpas periarfissanik allanik Naalackersuisut eqqarsaatersuuteqarpat?

Akissut:

Naalackersuisoqarfiup KANUKOKA aqutigalugu kommunit attaviginiarpai inatsisissatut siunnersuummi siunertarineqartut malillugit atortussanngortinneqarnissaa qulakkeerniarlugu.

Naalackersuisoqarfiup ilisimatitsissutigisinnaavaa Kommuneqarfik Sermersooq-mi meeqqanut tapiissutit ingerlaannartumik maannakkut tunniunneqartalereersut.

Apeqquut 17.

Meeqqanut tapiissutinik pissarsisarnermut atatillugu meeqqanut tapiissutinik pisartagallit piaaralutik eqqunngitsumik paasissutissiisimasut imaluunniit piaaralutik eqqortunik paasissutissiinaveersaarsimasut Naalackersuisut malillugit qanoq kommuninit iliorfigineqartassappat?

Akissut:

Inatsisissatut siunnersuummi § 7-imi takuneqarsinnaavoq, kommuni meeqqanut tapiissutinik tunniussisarnermut aqutsisuusoq, kommunillu pisussaaffigigaa meeqqanut tapiissutit annertussusilerneqarnissaanut naatsorsuinermit atugassanik paasissutissanik pissarsiniarnissaaq. Ilanngullugu inatsisissatut siunnersuummi § 9-ip malitsigisussaavaa meeqqanut tapiissutinik tunineqartup paasissutissanik tunniussinissamik

pisussaaffeqalerneranik taamaattumillu pissutsit suulluunniit meeqqanut tapiissutit tunniunneqartartussat naatsorsorneranni pingaaruteqarsinnaasut kiisalu allannguutit annikillisisinermik annertusititsinermilluunniit kinguneqarsinnaasut ilisimatitsissutigineqartassallutik. § 9, imm. 2-p ilanngullugu malitsigisussaavaa kommunip meeqqanut tapiissutinik tunniussinissamut tunngavissanik isertitat akileraaruteqaataasussat pillugit paasissutissanik aallersinnaatitaanerani. § 9, imm. 3 malillugu meeqqanut tapiissutinik kukkunikkut tunniussisoqarsimasoq nalunngikkaluarlugu tigusinermi utertillugit akilerneqassapput.

Meeqqanut tapiissutit pillugit inatsimmut (nr. 11, 31. okt. 1996-imeersoq) ilitsersuutit naapertorlugit, itisilerlugu nassuiaatigineqarpoq, isertitassat akileraaruteqaataasussat naatsorsuutigisat tunngavigalugit meeqqanut tapiissutit annertussilerneqarnerat kiisalu taakku naatsorsorneqarneranni isertitat sorliit tunngavigineqassanersut nassuiaatigineqarput. Akuersilluni nalunaaruteqartitsinikkut aamma Kommuni meeqqanut tapiissutit tunniunneqartartussat naatsorsorneqarnerannut pissutsit pingaaruteqarsinnaasut pillugit paasissutissanik pissarsiniarsinnaavoq. Kommuni meeqqanut tapiissutinik annertunaarilluni tunniussisimaguni meeqqanut tapiissutit utertillugit akiliisitsinnaavoq, kukkunikkut tunniussisoqarsimappat kukkunerlu ilisimagaluarlugu tiguisoqarsimappat. Kommunip uppersarsinnaasariaqarpaa, tunineqartup ilisimasimagaa ilisimasariaqaraluaaluunniit, tapiissutinik tunniussineq kukkunerusoq. Tapiissutinik tunineqartartoq nalunagu paasissutissanik eqqunngitsunik tunniussilluni, assersuutigalugu aapparisaq isertitaanik nalunaaruteqanngitsoorneq meeqqanut tapiissutinik tunniussisoqartarneranut pingaaruteqartumik, aatsaat kommuni taamatut iliortoq peqquserluttuliortutut politiinut unnerluutigisinnaavaa. Taamaattoqarpat innuttaasoq piaaraluni taamatut iliuuseqartoq pineqarsimassaaq.

Eqikkaaneq.

Eqikkaanerup malitsigissavaa isumaginninnermi ikiorsiissutinik atonerluinnermut kommunip iliuuserisinnaasai tassaasinnaasut: Tunniussisarnerup unitsinneqarnera takuuk inatsisissatut siunnersuummi § 9, imm.1.

Kommuni taamaalilluni pisussaavoq suliamut naammattumik paasissutissiissalluni, taamaalilluni siunissami pineqartup ikiorsiissutinik tunineqarsinnaaneranut aalajangiinnermi eqqortumik tunngavissaqartitsissaaq. Piumasaqaatit eqqortinneqanngippata, tunniussisarneq unitsinneqassaaq.

Meeqqanut tapiissutinik utertitsilluni akiliineq takuuk § 9, imm. 3

Tapiissutinik pisartagaqartup inatsit naapertorlugu nalunngikkaluarlugu tunineqarsinnaanani, taava aningaasat tunniunneqartut utertissavai. Utertitsinerup saniatigut pissutsit tunngavissaqartitsippata pineqaatissiinissaq siunertaralugu suliassanngortitsisoqarsinnaavoq,

taamatullu pineqaatissiisoqarsinnaalluni, tamatumunnga pissutsit eqqortinneqarsimappata.

Pineqaatissiineq

Nakkutilliinermut kommuni akisussaasuvoq, pineqaatissiinermulli suliassat politiinit sularineqassapput, pinerluttulerinermut inatsimmi malittarisassat naapertorlugit. Kommuni politiinut suliassanngortitsisinnaavoq, politiinut unnerluutiginninnissamat tunngavissaqarsoriguni. Tamatuma nalilersorneranut ilaapput, pineqartup paasissutissanik eqqunngitsunik paatsiveerussaarutinilluunniit tunniussisimanagera, imaluunniit oqartussaasuni paatsiveerussaarutit, ikiorsiissutinik tunniussinermut tunngassuteqartumik pingaarutilimmik atornerluisimanagera. Pineqaatissiisarneraq pillugu inatsimmi § 289a, imm. 1 malillugu akiliisitaasoqarsinnaavoq paarnaarunneqarluniluunniit, ilaatigut tapiissutinik aalajangiinermut atugassanik paasissutissanik eqqunngitsunik paasissutissanilluunniit paatsiveerussaarutinik piaaraluni tunniussisoqarsimappat.

Inerniliineq:

Inatsisissatut siunnersuutip malitsigissavaa, kommunip suliassaqarfimmi inatsisip atortinneqarneranik allaffissornikkut nakkutilliisussaanageranik. Ilanngullugu malitsigissavaa pineqaatissiinermut suliat kommunimit sularineqarsinnaannginnerinik, politiinullu suliassanngortinneqartarnissaannik, sularineqarnerilu pisassalluni pineqaatissiisarnermut inatsimmi malittarisassat naapertorlugit, tassalu piaaraluni iliuuseqartoqarsimanageranik pasitsaassaqartoqarsimatillugu.

Nangillugu kommuni tamanna naapertorlugu sulianik ingerlatsinerminik allaffissornikkullu najoqqutassanik aaqqissuussissaaq. Ilaatigut immersuiffissakkut meeqqanut tapiissutinik qinnuteqartoqartassaaq paasissutissat tunniunneqartut eqqortuusut uppernarsaalluni inatsisillu malillugit pineqaatissinneqarsinnaanermut akisussaasutut nalunaaruteqarluni, taamaattoqanngippat kommuni politiinut peqquserluttuliorqarneranik unnerluussisinnaavoq. Kommuni najoqqutassiamigut pineqaatissinneqarsinnaanermut akisussaanagermik innersuussinermigut meeqqanullu tapiissutinik aqutsineq naliliisinnaanerlu kommunimut tunniunneqarsimanagerat tunngavigalugu meeqqanut tapiissutinik annertuvallaanik tunineqartut kommunip suliassaasa iluaniippat.

Apeqqutit 18 aamma 19

Allaffissornikkut aqutsinissamat kingusinnerusukkut atuutilersitsinissaq pitsaanagerusutut isumaqarfialugu siunnersuutip 1. marts 2010-mi atuutilersinneqarneratigut allaffissornikkut ajoqutaasinnaasut nassuiaatigeqqullugit Naalakkersuisut Ilaqutariinnermut Ataatsimiititaliamit qinnuigineqassapput.

Siunnersuutip 1. januar 2010-mit kingusinnerusumit atuutilersinneqarnera pitsaaqutitaqartut Naalakkersuisunit isigineqarpa?

Akissut:

Naalakkersuisoqarfiup paasilluarsinnaavaa Ataatsimiititaliap isumakuluutai, paasilluarsinnaallugulu inatsisissatut siunnersuummik kommunit allaffissornikkut ingerlatsiniarnerat piffissakilliornermik teknikikkullu ajornartorsiutitaqarsinnaanerannik, taamaattumillu qaammatinik pingasunik kinguartitsinissaq pisariaqarsinnaasoq.

Naalakkersuisoqarfik taamaattumik isummerpoq meeqqanut tapiissutit pillugit inatsisissatut siunnersuutip 1. januar 2010-mi atuutilernani 1. marts 2010-mi atuutilernissaa ajornaquteqarnavianngitsaq, taamaalillutik kommunit nalinginnaasumik akissarsialerinerminnik ajornartorsiutitik januar 2010-mi tamakkiisumik iluarsisinnaassammassuk.

Apeqqut 20

Inatsit ulloq 1. januar 2010 atuutilissappat siunnersuummi piginnaatitsissut naapertorlugu nalunaarummik kiisalu suliamik ingerlatsisunut maleruagassanik aqutsisuusussanut ilitsersuummik 2009-mi novemberip naanerani sanasoqareersimanissaa Naalakkersuisut qulakkiissavaat?

Akissut:

Inatsisissatut siunnersuummi piginnaatitsissutit naapertorlugit nalunaarutissatut missingiut kiisalu ilitsersuut nutartigaq naammassineqareersut Naalakkersuisoqarfiup maannakkorpiaq uppersarsinnaavaa.

Inatsisissatut siunnersuut 1. januar imaluunniit 1. marts 2010-mi atuutilertussatut aalajangiunneqassagaluarpalluunniit, meeqqanut tapiissutit pillugit inatsimmut nalunaarummullu ilitsersuutit Naalakkersuisoqarfimmit piareersimatinneqarumaarput.

Ikinngutinnersumik inuulluaqqusillunga
Med venlig hilsen

Maliina Abelsen

Naalakkersuisoq
Medlem af Naalakkersuisut